

16246.

DISSERTATIO INAUGURALIS
ANATOMICO-PATHOLOGICA

EXHIBENS

MONSTRI HUMANI RA-
RIORIS DESCRIPTI-
ONEM,

QUAM

CONSENSU ET AUCTORITATE AM-
PLISSIMI MEDICORUM ORDINIS

IN

UNIVERSITATE CAESAREA LITERARUM
DORPATENSI,

PRO GRADU

DOCTORIS MEDICINAE ACADEMIAE
LEGITIME IMPETRANDO

LOCO CONSUETO PUBLICE DEFENDET

Ernestus Adolphus Koch,
WOLMARIAE - LIVONIA.

(Accedunt tabulae lithographicae duae.)

DORPATI LIVONORUM.

TYPIS J. C. SCHUENMANNI,
TYPOGRAPHII ACADEMICI.
MDCCXXXVI.

Viro humanissimo

J. P. MULERT

Avunculo suo dilectissimo

propter

innumera in se collata beneficia

IMP R I M A T U R

haec dissertatio, ea tamen conditione, ut, simulac typis
fuerit excusa, quinque ejus exemplaria collegio libris ex-
plorandis constituto tradantur.

Dorp. Liv. d. 8. m. Dec. a. 1836.

Dr. P. U. WALTER,
Ord. med. h. t. Decanus.

D 17532
z 46534313

has studiorum suorum primitias pio
gratoque animo

D. D. D.

Auctor.

P r a e f a t i o .

Quum examen rigorosum absolvisset, ab amplissimo medicorum ordine dissertationis conscribendae veniam impetravi. — Aliquamdiu in eligendo themate haerebam, tum vero obstetriciam commentationem scribere statui, quia huic medicinae parti summo amore et acri studio addictus sum. Cui etiam consilio exsequendo, jam aliquot hebdomas operam navaveram, quum subito multae improvisae inopinataeque res me cogerent, ut rebus his agendis, quam celerrime finem imponerem. Itaque quum per breve tempus mihi reliquum esset, ad dignitatem, multo labore comparatam, tuendam, ad thema vero, quod primum eram conscripturus, majore temporis spatio opus esset, coactus eram illud omittere, atque de alio cogitare,

quod breviori tempore ad finem perduci posset.

Hac difficultate circumventus, praceptorum meum honoratissimum, professorum cl. P. U. Walter adii, qui, liberalitate sua, omnibus satis superque nota, hoc gratum mihi fecit, ut non tantum sectionem monstri, in hisce pagellis descripti, mihi proponeret, sed illud ipsum etiam mihi concederet, pro quo, gratias sincero animo ipsi actas, benigne excipiat, quaeso. — Jam antea foetus, de quo hic agimus, ab alio quodam adumbratus, atque ex parte dissecatus erat, mox tamen ille inceptam rem imperfectam omiserat. Huic priori, haud sane diligenter institutae explorationi, et diurnae conservationi foetus in spiritu vini, qua ille multum detimenti ceperat, multae lacunae, quae in descriptione ejus occurrunt, attribuendae sunt.

Itaque te, L. B. oro rogoque, ut difficultates ad impedimenta, quae ante memoravi, respicias mihi propter brevitatem temporis librorumque penuriam, aliquid excusationis tribuas!

Introductio.

Foetus monstrosus, qui in hac dissertatione describitur, mense Mayo anni 1855 a robusta, triginta et aliquot amplius annos nata rustica, quae jam mater erat quatuor liberorum, forma normali gaudentium, partu editus est. Omnes priores graviditates ejus partusque prospere et sine nimiis molestiis processerant, imo ipsa haec quinta graviditas nullos praese ferebat casus singulares. Sexto quidem mense graviditatis primos motus foetus percepit. Quatuor hebdomadibus ante partum praematurum mulier illa in inaequabili via vehiculo, multum conquassante vecta, metrorrhagia labrare coepit, quae tum lenior, tum fortior, usque ad partum semper rediit, neque adhibitis acidis mineralibus remove ri poterat. Sub finem octavi graviditatis mensis, vespere quodam, dolores in

abdomine percepit, qui magna vi crescentes, mox sese ut dolores ad partum manifestabant, qui sequente die monstrorum illum infantem in lucem ediderunt. Mulier parturiens sedili insidebat, ita ut infans procedens in terram decideret, quo funiculus umbilicalis abrumpebatur. Brevi post, placenta parva atque plane nigra sequebatur, cui mediae, per brevis funiculus umbilicalis, longitudo septem pollicum, affixus erat. — Quinam infantis inter partum situs fuerit, quaestionibus ad dilucidum perduci non poterat, tamen vero, illum capite praevio e genitalibus matris exiisse, — qua in re femur dextrum infantis, propter immobilitatem suam, superiori corporis parti apprimi necesse erat — e capite succedaneo, sinistro ossi parietali inhaerente, concludi potest. Ex his igitur conjicere nobis liceat, foetum in secundo situ normali jacuisse. Natus infans nullum vitae indicium prae se ferebat, sed, quia nec ullum putredinis signum in eo animadvertebatur illudque caput succedaneum aderat, putare nobis licet, foetum brevi ante partum, vel potius inter partum ipsum emortuum esse.

Obstetrix arcessita explorationem internam instituit, quia verebatur, ne peculiari pedum positione, partes genitales laesae essent; sed neque interna, neque externa matris genitalia graviter infesta ta apparuerunt. Mulieris valetudo mox restituta est, et puerperium bene processit.

Et hoc in casu, ut plerumque fieri solet, matris imaginationi plurimum potestatis ad monstrum illud procreandum, tribuebant, rudem et rusticam analogiam inter deformitatem infantis, et illam, quam ejus causam esse opinabantur, sibi formantes. Inde enim foetus formam derivabant, quod mulier, ut ipsa referebat, tertio graviditatis mense, adspectu tormentorum ovis extensis pedibus parturientis, adeo affecta fuerat, ut statim magnam lacrimarum vim profudisset.

De quibus modo locutus sum, ea omnia ab obstetricie, quae post partum advenerat, accepi; amplius illa nihil sciebat; matrem vero infantis ipsam videre atque ex ea necessaria exquirere, propter remotam ejus a nostra urbe habitationem, non licebat.

Foetus monstrosi descriptio.

Priusquam transeam ad contemplandam internam foetus monstrosi corporis constitutionem, licet mihi descriptionem externi ejus habitus praemittere.

A. Habitus corporis universalis.

(Tabula I.)

Capitis ejusque organorum habitus nihil a natura alieni ostendebat. Recta quidem diameter ejus inde a glabella usque ad fonticulum minorem $3\frac{1}{2}$ digitos efficiebat; transversa autem inde ab altero osse parietali ad alterum, $2\frac{1}{2}$; obliqua inde a mento usque ad fonticulum minorem $3\frac{3}{4}$ "; diameter verticalis a fonticulo minore usque ad foramen occipitale magnum $2\frac{1}{4}$ ". Caput succedaneum superficiem ossis bregmatis sinistri tegebat. Fonticuli solito erant habitu formaque; major diameter fonticuli majoris, ab angulo ejus anteriori ad posteriorem longitudine erat unius digiti et triun linearum, minor vero diameter inde ab altero angulo laterali ad alterum 9"". Fonticulus minor, excepto intervallo trium linearum, fonticuli autem late-

rales s. Casserii perfecte clausi erant. Cutis in capite abunde fuscis capillis tecta. Pars superior trunci superioresque extremitates a structura normali minime abhorabant. Latitudo humerorum $3\frac{3}{4}$ " efficiebat.

In inferiore parte dorsi, et quidem supra sinistram regionem lumbalem proteesus, saccus oblongus (A) tegumento universali formatus, obliqua directione jacebat, magnitudinem ovi gallinacei adaequans, et aquosum liquorē continens; qui tamen liquor non prorsus eum explebat, ita ut rurgosus et laxus penderet. Superior ejus extremitas columnae vertebrarum adhaerebat, inter inferiores angulos utriusque scapulae. Hinc oblique sinistrorum descendebat, ibique terminabatur, nbi plerumque trochanterem sinistri lateris tactu cognoscere licet. Vertebrae colli superioresque thoracis, ut tactu perspectum est, integerrimae erant. Infra superiorem sacci extremitatem per cutem percipi poterat recessus quidam, striae similis, qui e sejunctione arcuum veriebralium ortus, a summo ad imum diametro sensim crescebat.

In podice non, ut fieri solet, duae clunes animadvertebantur, sed continuum aequaleque planum.

In abdomen saccus (B) surgebat quem facile completam herniam umbilicalem esse, cognoverunt; magnitudine erat pugni virilis, diametro $3\frac{1}{2}$ "; collum ejus 1" 7"" efficiebat. Initium duxit, superiora versus, proxime sub costis, quae ossibus innominatis adeo propinquae erant, ut ea fere tangerent. Utimque ab ossibus ilium et ab ossibus pubis, quae discesserant et quae intervallo

quorum digitorum a se invicem distabant, circumdatus erat; infra autem perinaeo terminabatur. In collo sacci herniosi, musculi et panniculus adiposus tegumentorum abdominis, accurate circumscriptum annulum, diametri 2'', formabant.

In sacci herniosi dextro latere, magis inferiora versus, torosa protuberantia (C) apparabant, quae diametrum 1'' 10''' habebat et eminente margine circumdata erat (e). In media hac protuberantia, magis interiora et inferiora versus, quatuor tubera, magnarum verrucarum instar, et quidem, unum superius, alterum inferiorius duoque lateralia, prominebant. Tuberum lateralium, alterum, sinistro latere jacens (f), introitum in cavitatem formabat, quam a dextra parte torosus margo (l), extrinsecus reclinati labii similis, circumdabat. Superficies hujus tuberis, et inprimis pars illa labiformis, rugosa erat. Tuber laterale magis dextrorum situm (g), in cellulas partitum erat, quae altera ab altera majoribus minoribusve papillis sejunctae erant. Et hoc quoque tuber, cavi alicujus introitum efficiebat. Tertium et inferius tuber (h) e multis parvulis rugis membranaceis constabat, pluribus parvis sinus interpositis, et tenui sed solida membrana, ut ponte, tectum erat. Quartum tuber idque superius (i) antecedenti plane par erat. Utrumque tuberum, modo nominatorum, ad suam cavitatem in sacco hernioso sitam, ducebant. Supra superiorum marginem sinistri tuberis, triangularis fere sinus (k) animadveri poterat, cujus in fundo membrana extendebatur; quae media; perparvo

quodam, rotundo foramine perforata erat. Intervallum inter haec tubera jacens, et ipsa tubera, membrana obducta erant, quae structuram membranae pituitariae canalis intestinalis prae se ferebat. In superficie tuberum villi distincte animadvertebantur, qui vero in ambitu eorum evarescentes, efficerunt, ut membrana ibi laevior appareret. Quae tamen, microscopi ope contemplanti, granosam structuram ostendebat eamque membranae mucosae similem.

Funiculus umbilicalis (D) cuius universi longitudo 7'' efficiebat, oblique sursum tendens, inferiori sinistrae sacci parti inserebatur. Specillo facile per venam umbilicalem ad jecur pervenire potui.

Eo loco, ubi genitalia sita esse solent, nulla erant. Sed in perinaco tres sinus animadvertebantur, quorum exteriores, (a b) sulco inter se conjuncti erant et intervallo 1'' 1 $\frac{1}{2}$ ''' alter ab altero distabant. Medius sinus (c), qui pervius sed angustus erat, aliquantum super sulco illo, superiora versus, jacebat, dextro sinui propior quam sinistro. In superiori parte interioris faciei femoris, $\frac{3}{4}$ '' fere a sinu externo, cutis utroque latere in panniculum, rotundo et paululum excavato margine praeditum, exfracta erat. Hi panniculi membranacei (d), qui praecipue basin versus contrectiani carnosii videbantur, extorsum conversi erant.

Positio inferiorum extremitatum a normali multum differebat. Sinistrum enim crus prorsus extendi non poterat, quod, quum facere tentarem, in articulo genu impedimentum sensi, unde evenit, ut quam primum e manu illud e-

mitterem, in priorem statum rediens, perinaeo appropinquaretur. Dextrum autem extensum erat, et retrorsum superiora versus spectabat, ita ut sub axilla jaceret. Aeque ac alterum femur, hoc etiam ad arbitrium moveri non poterat, sed in quem statum semel venerat, in eo permanxit. De causa hujus status postea mentionem faciam. Ambae extremitates inferiores talipedes, dextra, margine interiore sursum spectans, completus varus, sinistra, cuius margo interior deorsum spectabat, valgus erat.

Quum copia librorum, imprimis autem dissertationum mihi deesseset, plus quam tria monstrata, externa forma nostro similia, invenire non potui. Primum eorum a cl. Siebold (1) promulgatum est et a Faber (2) in dissertatione accuratius descriptum; de secundo disseruit Ulrich (3). Tertium idque nostro valde simile Wedel (4) in dissertatione sua inaugurali descripsit.

-
- 1) A. E. v. Siebold. Journal für Geburtshilfe etc. VIII. Band, 2tes Stück. Frankfurt am Main 1828.
 - 2) G. F. C. Faber. Duorum monstrorum descriptio anatomica. Berolini 1827.
 - 3) G. L. Ulrich. Foetus humani rarioris descriptio. Marburgi Cattorum. 1833.
 - 4) E. E. L. Wedel. Monstri humani rarioris descriptio. Jenae 1830.

B. Habitus corporis internus.

I. Capitis conditio.

Quum jam externa capitinis forma documento esse videtur, organa in eo contenta haud a normali structura decadere, accuratius illa perscrutari omisimus.

II. Partium in cavo pectoris collocatio.

Sterno in longitudinem dissecto, glandula thymus in conspectum venit, quae solitam suctibus ingentem magnitudinem ostendebat, et supra sterni manubrium incipiens, totum mediastinum anticum explebat. Cordis structura normalis erat, nec non vasa majora ab illo originem ducentia, solitum decursum sequebantur. Situm erat cor transverse in sinistra cavi pectoris parte, ita ut ventriculus sinister sursum, dexter deorsum spectaret. Basis ejus glandula thymo tecta erat, dum apice extremitatem sternalem costae quintae attingebat; foramen ovale septi atriorum patebat. Omnia vasa originem solitam capiebant. Pulmones, praecipue pulmo sinister, insignis erant parvitas, et tantum per parvam cavi pectoris partem replebant; percissi texturam hepatis similem monstrabant. Trachea, bronchi et oesophagus omnino naturae convenienter et collocati et constricti erant.

III. Partium in exomphalo situs.

(Tab. II. Fig. 1.)

Integumentum, quo saccus herniosus formis erat, e duabus constabat laminis, quarum exterior crassiorque cutis esse eo cognoscetatur, quod epidermidem usque ad marginem torosum excrescentiae jam descriptae (H), prosequi poteramus. Iude enim ab annulo collum sacci herniosi circumdante, qui e musculis abdominalibus, quotquot supererant, ac paucicolo adiposo, compitus erat, magis magisque extenuata in saccum herniosum transibat. Lamina vero interna valde tenuis et pellucida erat et peritonaei continuationem se esse ostendebat.

In sacco hernioso omnia viscera abdominalia continebantur. Aperto eo, lobulisque (d) replicatis, hepar (A) in oculos cadebat, quo tota pars superior sacci implebatur. Margo ejus per totum circuitum rotundior erat, planum superius antrosum, inferius retrosum spectabat. In margine superiore ad sinistram incisura (a), quam vena umbilicalis (b) intrabat, in promitu erat. Vesica fellea cum ductu cystico nulla erat; ductus choledochus, quem hic potius ductum hepaticum appellarem, quia una cum hoc, unum ductum rectam viam sequentem constituebat, normali gaudens deorsu in duodenum exhibat; quod idem de ductu Wirsingiano pancreaticis valebat. Inde a parte hepatis inferiore omentum minus (G) ad ventriculum usque pertinebat, qui plane naturae couuenienter constructus et hepati obtectus erat. Pars inferior

lobuli hepatis dextri cum glandula suprarenali dextra ope telae cellulosa densae atque copiose conjuncta erat; simili modo et glandula suprarenalis sinistri lateris cum margine posteriore lobuli hepatis sinistri, magis vero ad medium hepar versus, connexa, et fere duplo minor quam dextra, reperiebatur. Partem sacci coeci ventriculi posteriorem, arcte cum hoc conjunctus splen (C) adjacebat, qui longitudinem pollicis unius cum dimidio habebat, ei latitudinem linearum septem. Supra' pylorum (e), sic ut esse solet, foramen Winslowii (n) situm erat et ad cavitatem perducebat, quae usitata ratione pone ventriculum descendebat, ibi autem, inter curvaturam ventriculi majorem et torum sub ventriculo prominentem (E) longius procedens in ostium liberum exhibat. Tonus ille antea descriptae aperturae tuberis lateralis sinistri (f) respondebat. Jam ex aspectu externo dignosci poterat, cum intestini crassi rudimentum esse, nam eodem modo quo illud constrictiones cum dilatationibus ostendebat, quibus diverticula variae magnitudinis formabantur, simulque etiam tunicis iisdem compositus erat. Cavitas ejus membrana quadam pliata vestita erat, quae omni ex parte naturam tunicae mucosae prae se ferebat. Mucum continebat spissiorem, colore subrubido: cui flocci subrubicundi innabant. Ventriculus (B), modo normali in duodenum (l) transibat, quod felle, cuius magnam copiam continebat, valde tinctum erat, aperte ante oculos positum jacebat, et sub colon transversum haud subiens, in in-

testinum jejunum et ileum (m) continuabatur, quorum hoc in inferiore sacci parte extrorsum libero ostio (k) terminabatur, per aperturam triangularem supra tuber sinistrum sitam. Ultraque canalis intestinalis pars, ultimo loco commemorata, solitos sinus formabat, qui tela cellulosa interjacente, inter se conglomerati erant. Intestini coeci, processus vermiciformis; coli et recti, practer partem supra descriptam, ne vestigium quidem reperiri poterat. Infra splen torus (F) erat substantia solida et aequabili, quae, accuratius disquisita, e tela cellulosa densiore atque tenace constare, cognoscebatur et in duplicatura membranae sacci herniosi serosae internae diffusa erat. Interno toro cavitas inerat, quae membrana plures complicata vestiebatur, et nonnisi exiguum spatium praehens, in tubere inferiore (h) tori magni exitum habebat. Substantiam continebat viscidam, albugineam caseoque similem. E tubere tori magni superiore (i) similis quaedam massa carnosa (D) proficiscebatur, quae secundum marginem tori magni superiorem prominentem, in peritonaci duplicatura ad hepar usque ascendebat, et hic, alias crassiores alias tenuiores trabeculas carneas (o) illico peritonaeo infixas mittebat, paulatim evanescerat. Haec etiam massa cayum paulo amplius priore inclusdebat, quod antea descriptae cavitatis instar, membrana rugosa vestitum, extrorsum in tube re superiore tori magni (i) aperiebatur. Tuber tori magni laterale dextrum (g), parvum, circiter 5^{'''} altam cavernam, simili massa, atque antrum tori sub liene siti, repletum amplecte-

batur, quae cum media illa fossa, supra plicam transversalem in perinaeo sita (Tab. I. c.) per angustum sub ipsis integumentis externis procedentem canalem, qui lineae dimidiae diametrum habebat, conjuncta erat. Canalis hujus membrana laevis, prope ejus originem a fossa perinaei media, minime a cutis externae indole abhorrebat, postea vero, quum jam in regione tuberis dextri ad membranae mucosae naturam propius accessisset, omnino hanc in duebat, ubi ad tuberis cayum pervenerat. Totus hic ductus inde ab ostio externo in tubere dextro tori magni sito, usque ad aperturam medium in perinaeo, longitudinem habebat 1^{''} 4^{'''}. Utriusque renis, ossibus innominatis insidentis, margo superior per telam cellulosam juncitus erat cum glandula suprarenali supra ipsum sita, quae rursus cum hepate cohaerebat; margo inferior in pelvem minorem usque pertinebat, ita ut, quod ad situm extrinsecus designandum attinet, in eadem altitudine positus esset ac plica in superficie interna femoris, quae pro partium genitalium externarum rudimento habita est. Margo renis concavus internus, os sis sacri margini adjacebat, externus convexus, symphysin ossium pubis solutam fecerat; uterque eorum incisuris magis minutis profundis in plures lobulos divisus erat. Ren sinistri lateris 1^{''} 2^{'''}, dextri 1^{''} 4^{'''} longus erat. Inter substantiam corticalem et medullarem discrimen nullum cerni poterat. Ureterum ca nales 1¹₂^{'''} lati erant; sinister 1^{''} longus anter iora et inferiora versus ad torum magnum des

cendebat, et in tubere ejus inferiore (h), propius ad marginem ejus sinistrum, extorsum si- niebatur. Ureter dexter $1\frac{1}{2}$ " longus juxta latus tori, ad dextram sub hepate siti, externum de- currens, prope tuber superius sub plica semilu- nari (Tab. I. m.) vix conspicua, in orificium extorsum spectans, exibat. Nec vesicae urina- riae, neque organi cujusquam, vel forma, vel situ illi similis, vestigium aderat; nec vero perscrutationibus vel prius, vel postea a me ipso institutis, organa genitalia aut pars aliqua reperiri poterat, quae certius pro analogo eo- rum haberi, et, cujus esset sexus foetus noster, decernere potuisset.

Jam si hasce evolutiones retardatas, inter quas sane omnes in organis abdominalibus re- pertae deformitates numerandas sunt — contemplantes, illustrissimorum auctorum hac de re sententias sequimur, invenimus foetum deformem, de quo hic agitur, magnam illarum copiam, easque memoratu quidem dignissimas ra- rissimasque nobis offerre. Hernia umbilicalis velut deformitas prae ceteris sub oculos incur- tens, praecipue ob insignem magnitudinem res- pectu digna est; nam, ut supra commemora- vimus, cuncta viscera abdominalia, et organa chylopoëtica et uropoëtica, et, quae forsitan ex- stabant, partium genitalium internarum, vesti- gia amplectebatur, ita ut jam propter hanc par- tem tantopere excultam, certe inter principes simillium foetus portentosorum, qui adhuc descripti sunt, noster habendus sit. Cujus vero vitii congeniti nisi magnitudinem respicimus, per se saepissime inter evolutiones retardatas

inveniuntur. Causa autem, cur tam saepe occur- rat, in eo quaerenda videtur, quod cavitas ab- dominalis hoc loco non nisi serius clauditur. Haud minus quam numerus organorum in her- nia contentorum, integumenta etiam variant, ita, ut modo viscera, omni involucro nudata jaceant, modo solo peritonaeo, modo perito- nae o simul cum cute obducantur. Omnia ejusmodi generum variorum cl. Meckel (1) ingentem copiam enumerat. Eundem ordinem nobis sequentibus, quo viscera, in sacco hernioso sita, descripta sunt, deformitatum eorum prima in oculos incurrit, vesicae felleae defec- tus, quo, sicut ex aliis etiam hic repertis de- formitatibus, fetum in inferiore organicae evo- lutionis gradu constitisse cognoscimus, quoniam hoc organon animalibus evertebratis deesse lex est (2). Attamen vitia formationis hujus organi minime in rariorum numero sunt, sed apud va- rios autores magnam eorum copiam enumera- tam invenimus (3). Recentioribus adhuc tem- poribus Wedel (4) casum refert, ubi foetus, multis aliis etiam in rebus, nostro similiter for- matus, vesica fellea destitutus fuerit. Ipsos eti- am adultos homines hoc organo omnino caruisse, observatum est, unde colligi potest, orga-

1) J. F. Meckel. Handbuch der pathologischen Anatomi. B. I. S. 117 Leipzig 1812.

2) Ibid. S. 606.

3) F. L. Fleischmann. Bildungshemmungen der Menschen und Thiere. S. 372. Nürnberg 1833.

4) I. c.

non hocce haud prorsus necessarium esse. Cl. Meissner (5) casum quandam a Chomely obser-vatum afferit, ubi vesica fellea omnino deficien-te, infans ictero correptus obierit. Quo autem in casu, quominus fel in duodenum transiret, pancreate scirrhoso atque amplificato, ductum choledochum comprimente, impeditiebatur.

In systemate digestionis deformitates saepi-sime quidem occurunt, quarum diversissimas a cl. Meissner (1) ennumeratas reperimus. Sed nostrum monstrum multas abnormitatem, quae inter rarissimas numerandae sunt. Quod intestinum crassum hic deest, vel saltem imper-fectius excultum est, sententiam a cl. Andral (2) prolatam, nempe, illis praecipue in organis e-volutionem imperfectam animadverti, quae se-rius ceteris formentur, affirmare videtur. Ita-que tubi intestinalis, cuius media pars antea ut vesicula umbilicalis adsit, partem superiorem et inferiorem, quae quasi ex illa longius extensa oriuntur, plerumque in evolutione retardari di-cit. Qua vero in re auctor omnino a vero ab-erravit, quum excellentissimorum naturae scruta-torum observationibus confirmatum sit, primum

utrumque potius tractus intestinorum finem, de-inde partem ejus medianam, seu intestinum tenuue, formari (3),

Nec duodenum, neque jejunum, neque ileum portentosi nostri foetus, forma situve a norma decedebant, nisi eo, quod postremum eorum in fine suo extrorsum apertum erat, quae abnormis formatio jam prius etiam observata et cuius exemplum unum a cl. Meckel (4) prola-tum est. Neque intestini coeci, nec processus vermicularis vestigium ullum cernebatur; et in-testini etiam crassi maxima pars deerat.

Torus in dextro sacci herniosi latere jaceus, (D) colo ascendentem congruens habeatur, praecipue si situm ejus respicimus, nimis tamen structura a canali intestinali differt, quin alius etiam visceris analogon esse possit. Colon transversum plane deerat. Minus etiam torus sinister (F) ob structuram suam partis alicujus canalis intestinalis rudimentum putari poterat; eodem enim jure propter parietes crassos carri-laginique similes, et cavitatem angustam plicis tenuibus instructam, organon duci queat, uteri simile. Clarissime autem in toro medio (E) ca-nalis intestinalis structura, et praecipue quidem intestini crassi, apparebat. Parietes ejus tenui-ores quam priorum, et per constrictiones in di-verticula divisi erant, dum membrana interna

5) F. L. Meissner. Forschungen des 19ten Jahr-hunderts im Gebiete der Geburtshilfe, der Frau-enzimmer - und Kinderkrankheiten. Theil III. Absch. 6. S. 40. Leipzig 1826.

1) I. c. Th. VI. Absch. 6.

2) G. Andral. Grundriss der pathologischen Anat-o-mie, übersetzt von F. W. Becker. Theil I. S. 79. Leipzig 1829.

3) C. F. Burdach. Die Physiologie als Erfahrungs-wissenschaft. Band II. § 437. Leipzig 1828.

4) I. c. S. 700.

plicata, omnino membranae mucosae canalis intestinalis naturam prae se ferebat, ita ut torus hicce, intestini crassi, et praesertim quidem coli descendantis, unicum rudimentum putandum sit. Haud magis intestino recto analoga pars quaedam reperiri poterat. Cujus generis exempla ubi vel totum intestinum crassum, vel pars ejus aliqua defuit, cl. Meckel (1), Fleischmann (2), Meissner (3) et Faber (4) propounderunt.

Gravissimis sane deformitatibus in foetus abdомine, organa uropoëtica genitaliaque excellebant. Renes quidem cum glandulis suprarenalibus et ureteres a formatione normali non nimis discrepabant, quorum tamen ultimorum decursus, eo praesertim insignis erat, quod, cum, quae eos exciperet vesica urinaria, omnino non adesset, directe extorsum finiebantur. Inter ambo eorum ostia hand exiguum spatium sere unius pollicis, intererat. Sinister in tube re inferiore (h) tori magni sub aspectum veniebat, sub ponte illo cutaneo, qui hujus aperturam ex parte tegebat. Quod quidem ureteris ostium, quum in cavitatis tori sinistri, sub lie ne siti, exitum transiret, commovere nos posset, ut huncce vesicam urinariam deformem arbitramur, nisi huic opinioni et structura ejus et situs, a vesica urinaria valde alienus,

1) I. c. S. 500, 699 700.

2) I. c. S. 365.

3) I. c. Theil VI. Absch. 10. S. 85.

4) I. c.

contradicerent. Praeterea etiam respiciendum est, quantum ab illo distaret ureter dexter, qui in externo dextri tori latere decurrens, juxta tuber superius in orificium extorsum specians transibat. Quamvis cl. Andral (1) sententiam profert, nonnisi ratiocinante vesicam urinariam omnino non adesse, quia allantois inter fetus humani organa, quae prima exoriantur, numeranda sit, multos tamen ejusmodi casus commemoratos invenimus. Sic etiam in illo, quem supra attigimus casu a cl. Petit relato, deerat; cuius Meckel (2) mentionem fecit, et qui alio etiam respectu nostro similis fuit. Carebat fetus ab hoc descriptus tegumentis abdominalibus, ita ut viscera solo peritonaeo continerentur. Nates vix oculis percipi poterant, orificium ani nullum erat, et partes genitales externae fere totae desiderabantur; manca extremitatum inferiorum evolutio, cum unius arteriae umbilicalis defectu conjuncta erat. Ureteres in superficie abdominis anteriore aperiebantur. Intestinum crassum rectumque desiderabantur. Deinde etiam exempla invenimus deficientis vesicæ urinariae in libris clmorum Meissner (1), Wedel (2), Ulrich (3). Imo cuncta organa uropoëtica haud adfuisse observatum est, praeci-

1) I. c.

2) I. c. S. 699.

1) I. c. Theil VI. Absch. 10. S. 85 und Theil III. Absch. 8. S. 50.

2) I. c.

3) I. c.

puo a cl. Mayer (4). In casu a Faber narrato praeter glandulas suprarenales, universa organa uropoëtica deficiebant. Rarius sere accidat, ut praesente vesica, cetera organa uropoëtica desint, cujus tamen exemplum Cooper (5) enarrat.

Genitalium nostro in foetu nil nisi vestigia aliquot, sed adeo incerta aderant, ut ex iis de foetus sexu dijudicari non posset. Ejusmodi vestigium et praecipue quidem genitalium exterorum, nobis videntur plicae supra descripiae, quae in superficie femoris interna occurrabant. Quae autem, quid re vera sibi vellent, hoc in casu cognitu difficultimum erat, ubi minime genitalium internorum analogia niti licet; quod situm enim formamque, eodem jure labiorum majorum, quo scroti rudimenta haberi poterant. Nec vero cerie constitui posse videtur, quid canalis ille significaverit, quem a tubere laterali dextro, tori magni, usque ad aperturam medianam, super plica perinaei sitam, sub ipsa cute decurrere vidimus extrinsecus nullo signo perspicuum. Pars ejus angustior perinaeum adjacens, fortasse cum urethra virili comparari poterat, eo magis, quod arteria decursu suo haud aliena ab arteria dorsali penis, eum comitabatur; dum amplior pars, toro ma-

gno incumbens et conspicue tunica mucosa obducta, majorem vaginae similitudinem praecebat. Quod ad partes genitales internas attinet, ne unum quidem organon quaerentibus occurrebat, quod illarum locum obtinere, sine controversia contendi posset, quamquam et exomphali contentorum et partium in toro magno ejusque vicinia sitarum exploratio summa cum diligentia instituta est.

Nec testium, nec vasis deferentis vel minimum vestigium conspicuum erat. Torus sinister subliene jacens, minus certa erat forma ac situ, quam ut uterus deformis, vel ejus analogon haberetur; nulla enim in ejus vicinia pars, nec ovarii, nec tubis Fallopii, nec ligamentis uteri latis similis deprehendi poterat. Vas quidem in eo in ramos diffusum secundum decursum et indolem cum arteria spermatica consentiebat; sed si inde partis hujus natura statueretur, eandem et toro medio, (E) qui tamen intestini crassi structuram aperte prae se ferebat, attribuamus oporteret, quia arteria spermatica dextra in hunc solum ramos suos mittebat. Monstrum igitur a nobis depictum, exemplum generis neutrius, memoratu dignissimum, offerre videtur. Quamvis enim hic status perfectus, rarissime tantum occurrat, non tamen similes, haud in dubium vocandae observationes, desiderantur. Sic cl. Fleischmann (1) exemplum narrat foetus mirae deformitatis, qui exomphalo laborans, colo transverso et descendente et intestino recto carebat,

-
- 4) Zeitschrift für Physiologie. In Verbindung mit wüahren Gelehrten herausgegeben von Fr. Tiedemann, G. A. Treviranus und L. Chr. Treviranus, Band I.
5) Philosophical Transactions. Vol. LXV. p. 314.

1) I. c. p. 365.

cujusque genitalium exteriorum et interiorum, ne vestigium quidem aderat, nisi quod ductus quidam, inferiorem vesicae partem adjacens 4—6^{'''} longus, ad fossam iliacam dextram versus tendens, initioque fungositate magnitudinis granii avenacei instructus, vaginae rudimentum esse videretur. In cl. Meissner (1) scriptis, casum descriptum reperimus, ubi praeter parvam rotundamque aperturam, excernendae urinae destinatam, partium genitalium, neque extrinsecus quid oculis percipi, neque accuratissima dissectione anatomica investigari poterat. Cl. Meckel (2) etiam plures casus, partim ab ipso, partim ab aliis auctoribus observatos, refert, ubi genitalia plane defecserint. Saepissime contra observatum est, partium illarum nonnullas, vel solas externas, non adfuisse. Genitalium extenorū rudimenta, foetus nostri simillima, in casibus ab Ulrich (3), Faber (4) et Wedel (5) narratis periuntur, quorum in ultimo, obscura tantum genitalium internorum vestigia aderant. Imo in hominibus adultis partium genitalium extenorū defectus absolutus observatus est. Quo pertinet casus ille, quem cl. Meissner (1) nobis retulit, a Ribes observatum, ubi in femina vi-ginti quatuor annos nata, nec genitalia neque

1) I. c. Theil III. Absch. 8. S. 54.

2) I. c. S. 656.

3) I. c.

4) I. c.

5) I. c.

1) I. c. Theil VI. Absch. 8. S. 65.

organa uropoëtica offendebantur, urinaeque similis latex e mammis effluebat, dum mensium defectus haematemesi compensabatur. Cl. Feiler (2) exempli a Th. Bartholino traditi, mentionem facit, ubi in viro quādraginta annorum, nullum, nec ani, nec partium genitalium vestigium sub oculos cadebat; excrementa per os ejiciebantur et urina e fungosa excrescentia, umbilici deficiens locum supplente stillabat.

IV. Situs vasorum ad organa abdominalia vergentium.

Tab. II. Fig. 2.

E corde, sinistra cavi thoracis parte sito, quod jam supra descripsimus, vasa magna originem ducebant normalem, et in superiori corporis parte, ratione, omnibus nota, nullam aberrationem memoratu dignam monstrantia distribuebantur. Aorta descendens (A) sinistro columnae vertebralis latere jacens, recta via usque ad diaphragma decurrebat, ejusque unicus ramus major, qui perspicuus reddi poterat, hoc itinere dimissus, arteria erat phrenica, quae e dextra aortae parte exorta, in superiori diaphragmatis facie in ramos diffundebatur. Longitudo aortae, a transitu arcus aortae in aortam descendenter, usque ad divisionis

2) J. Feiler. Ueber angeborne menschliche Missbildungen im Allgemeinen und Hermaphroditen insbesondere. S. 82. Landshut 1820.

locum computata, $1\frac{1}{2}$ " effecit, lumen eius paullo superavit 2".

Subter diaphragmate, ante illum locum, ubi ultima vertebra lumbalis cum osse sacro conjungitur, aorta in tres vasorum truncos principales abivit, in trunco sinistrum (B) in medium (C) et dextrum (D).

E quibus vas principale sinistrum, seu A. iliaca communis sinistra, [(B)] omnium longe maximum, quod circuitu suo ipsam fere aortam adaequabat, 5" spatio nullum ramum dimittens, recta via ad sinistram, simulque pannulum deorsum decurrebat. Deinde duos in ramos diffidebatur, quorum superior, isque multo tenuior, A. iliaca externa s. cruralis, (E) ad sinistrum femur tendebat. Quod antequam attigisset, intra pelvis cavum ramum praebebat, qui in intervallum, discedentibus ossibus pelvis formatum, inter os sacrum atque os innominatum sinistrum delapsus, in clunium muscularis, varios in ramos discedebat, quemque igitur arteriae glutaeae (a) analogum ducere licebit. In regione ligamenti Poupartii, ex A. iliaca paulo antequam in sinistrum femur exiret, duo alii minores rami originem sumebant, quorum alter secundum labium cristae ilei interius ad costas spurias decurrens, pro arteria circumflexa ilei (b) haberet potuit, alter, prope ossis pubis ramum horizontalem procedens, et in foramine obturatorio exiens, arteriae obturatoriae (c) respondere videbatur. In femore A. cruralis solitum iter perfecit, ita inter venam cruralis et nervum cruralem sita, ut hic ad latus eius externum, illa ad internum jaceret. Ra-

mus ex A. iliaca communis partitione originem dicens, secundus, inferior, sed crassior, illius continuatio putari possit, quum eodem quo illa, scilicet pennae corvinæ volumine esset. Decurrebat tanquam arteria umbilicalis (F) quam unam simplicem tantum fuisse jam supra commemoravimus, pone renem sinistrum, et torum sinistrum, infra splenem situm. In arteriaciliacæ communis partitionis loco, exiguis exoriebatur ramulus, qui sine ulla ramificatione, pone sinistrum renum, prope ad os sacrum, ad magnum torum decurrebat. Quo antequam pervenisset, sinistro ureteri parvum quandam ramulum praebebat, denique ipse in sinistrum torum subter liene situm penetravit, in quo usque ad tuber inserius investigari potuit. Vasis hujus origo atque decursus efficiunt ut facilissime arteriae spermaticae sinistrae (d) vices ei attribuantur. Hanc procul ab origine sua ex A. iliaca communi, duabus infra illam lineis, A, umbilicalis sat validum ramum (e) fere dextra sub angulo dimisit, qui recta via retrosum et deorsum tendens, ad incisuram ischiadicam majorem perveniebat, per quam transgressus, in muscularis glutacis evanescerat. Hunc ex incisura ischiadica majore exeuntem, nervus ischiadicus amplectebatur, qui e plexu sacrali ortus, duobus nervorum funibus altero prope alterum jacentibus formabatur. Vasorum ramus, quem ultimo loco commemoravimus, cuius decursus omnino cum arteriae ischiadicae, qui vulgo esse solet decursu congruebat, medio fere inter originem ex A. umbilicali et exitum e polvi loco, tenue dimisit vas. (f) quod ad renis faci-

em posteriore transgressum, in ejus substantiam penetravit.

Truncus vasorum mediis (C) quem, si organa abdominis quibus prospicit spectamus, multorum maximi momenti vasorum, nominatum Art. coeliacae, mesentericae superioris et arteriae renalis sinistram analogum habebimus, anterius et paullulum ad dextram versus decurrens, ad omnia fere organa abdominalia, quotquot in sacco hernioso erant, ramulos suos dimisit. Dextro latere primus ex eo originem ducebat ramus ad glandulam suprarenalem dextram (g) (A. suprarenalis); qui anastomosi quadam (h) cum A. renali, e dextro vasorum trunco principali profecta, cohaerebat. Hunc sequebatur ramulus quidem (i) in hepatis substantiam penetrans. Sinistro latere, sed magis ex anteriore trunci facie, ramulus nascebatur (k) qui aniorum et sursum ad diaphragma decurrebat. Statim sub hujus origine A. lienalis (l) sita erat, quacum conjunctim nascebatur arteria quaedam (m) quae hanc longe postquam e trunco principali exierat, duos in ramos discessit, quorum superior, isque minor (n) ad glandulam suprarenalem sinistram, (A. suprarenalis sinistra) inferior vero et major (o) (A. renalis sinistra) et ipse bipartitus ramulo suo ampliore ad sinistri renis hilum, ramulo tenuiore ad ejus marginem superiore tendebat. Proprius, medii vasis truncus principalis nunc subter lobulo hepatis dextro decurrebat, ejusque in margine posteriore duos in ramos abivit, quorum superior (p) nullo ramulo dimisso in hepatis sulcnum longitudinalem dextrum penetravit, (A. hepatica), inferi-

or (q) ramulos suos ad ventriculum et intestinum tenue propagavit.

Truncus vasorum principalis dexter (D), trium vasorum principalium longe, minimum, horizontali directione a sinistra ad dextram et paululum sursum decurrebat. Haud procul ab ejus origine ex aorta, tres rami alter prope alterum ex eo proficiscebantur, quorum qui plurimum anterius situs erat ad dextri renis hilum (A. renalis dextra) (r) progrediebatur et cum arteria suprarenali, e dextro latere secundi trunci principalis profecta ope anastomoseos conjunctus erat. Alter ramorum modo dictorum (s) in posteriore pelvis parte recta via unius pollicis spatium ramulis vacuis procedebat, tunc vero tres dividebatur in ramulos, qui in facie posteriore tori magni decurrentes, in medio toro e sinistro tubere originem ducente, in ramulos diffundebantur. Decursu et natura sua hoc vas maxime cum A. spermatica congruebat.

Ramus tertius (t) dextro sub angulo e trunco principali profectus, in medio osse sacro, faciei ejus anteriori quam proxime adjacens, ossis coccygis apicem versus usque ad inferiorem tori magni marginem decurrebat, ubi in tubere laterali dextro in surculos exibat. Ejus igitur decursus fere idem erat, qui arteriae sacrae mediae esse solet. Jam iliaca communis dextra, quam directione supra indicata, ramulis vacua, 5th decurisset, tria majora vasa, communi origine excunia dimisit, quorum quod plurimum retrorsum spectabat (u), inter os sacrum et in-

nominatum, loco eo ubi conjungi solent descendens, penetrabat, ibique in musculis clunium multifarios in ramos diffundebatur. (A. glutaea.) Haud longe postquam ex iliaca communis exierat, ramulum dimisit, dextro ossis sacri latere decurrentem. (v) (A. sacra lateralis.) Arteriam obturatoriam dextram (w) vero, extrinsecus et deorsum decurrentem, ad foramen obturatorium misit. Alterum vas, medium inter cetera situm (x), in pariete pelvis posteriore ad incisuram ischiadicam majorem tendens; quo antequam pervenisset, duos dimisit ramulos (yy), qui in anteriore ossis sacri superficie, et in posteriore, tori medii, parte distribuebantur. (A. haemorrhoidales.) Postquam deinde ex incisura ischiadica majore e pelvi exierat, et rursus per incisuram ischiadica minorem in illam reverterat, in regionem mediae perinaei aperturae pervenit, ubi dextro latere canalis, aperturam illam et cavitatem tuberis lateralis dextri, conjungentis, (z) decurrebat. Qui quidem decursus quam similis sit arteriae pudenda communis decursui, non est quod pluribus explicitetur. Tertium vas, praeceteris antrorum vergens, in dextra parte faciei pelvis internae in ramulos diffundebatur. Jam si trium horum vasorum originem, ramulorum decursum et partes quibus providebant, respicimus, magna eorum cum A. hypogastricae distributione similitudo, in oculos cadit, qua de causa universa, illius nomine aptissime designari possent. Ultimus ramus in pelvis cavo e trunco principali tertio exoriens, sursum decurrentis, in abdominis tegumentis usque ubi in saccum herniosum transe-

unt, indagari poterat, quo quidem in decursu plurimum similitudinis cum a. epigastrica praese ferebat. Dextro in femore arteriae cruralis decursus normalis erat.

Venae, quotquot ejusdem nominis arteriis respondentes, e renibus, glandulis suprarenalibus et extremitatibus inferioribus proveniebant, in communem truncum venae cavae inferioris coibant, quae in margine sinistro glandulae suprarenalis dextræ, per fossam venae cavae lobuli hepatis dextri ad diaphragma progressa, hujus per foramen quadrilaterum ad cavum pectoris perveniebat, ubi dextro columnæ vertebralæ latere decurrens, in atrium dextrum transibat. Loco eo ubi hepar adjacebat, venam hepaticam in se recepit. Vena portæ post decursum normalem in fossa hepatis transversa finiebatur. Vena umbilicalis loco eo ubi funiculus umbilicalis inseritur, inter sacci herniosi utramque laminam ingressa, quum spatium aliquod inter eas decurisset, denique ad incisuram pervenit, in sinistri lobuli hepatis margine superiore sitam. Hic in ipsam hepatis substantiam immissa, per hepatis lobulum sinistrum usque ad venam portæ progrediviis hac via ramulos suos per substantiam hepatis diffundebat, nullo ductu venoso Arantii cum vena cava inferiore conjuncta.

Inter formationis vitia quae frequentissime occurunt, sine dubio etiam arteriarum et venarum origo, vario modo abnormis, numeranda est. Quac quamquam physiologiam spectant minoris momenti videatur, quum de locis qui-

bus arteriae originem ducant, praesertim quotquot non ex ipso corde proficiuntur, sanguinis natura non dependeat, anatomi tamen animum, haud parum in se convertit. Imprimis frequenter origo arteriarum abnormis in arcu aortae observatur, ubi auctore Meckel, octo casibus propositis semel, secundum alios eodem in numero bis occurrit. Rarius in arteria aorta descendente invenitur e qua prae ceteris arteria renalis saepe abnormi ratione exit, cuius rei exempla quam plurima attulit cl. Fleischmann (1). Nostrum etiam foetum magnam abnormitatem vim, in arteriarum, ex aorta descendente excurrentium origine, offerre, ex decursus et ramificationis descriptione, a nobis praemissa eluet. Prae ceteris certe in oculos cadit aortae descendantis partitio in tres ramos, quum plerumque in duos magnos vasorum trunco exire soleat. Causa hujus tam propinquae originis omnium maxime insignium abdominis vasorum, procul dubio in viscerum abdominalium in sacco hernioso situ conferto ac angusto quaerenda est, quum experientia doceat, arterias quam proxime ab organis quae nutrit e truncis suis exire solere. Quodsi organi alicujus inde a partu positio abnormis est, arteriae etiam, quae illi prospicit origo, ita mutata appetet, ut quam proxime ab illo absit. Sic Andral (2) in homine cuius ren dexter in pelvi situs erat, arteriam etiam renalem ex arteria hypogastrica proficiscentem observavit. Alteram etiam declinatio-

1) l. c. p. 125.
2) l. c. p. 122.

nem a norma arteria umbilicalis praebet, quam unam tantum eamque ex ipsa aorta exorientem invenimus; quod tamen formationis vitium non uim rarum esse, casus similes a variis scriptoribus, ut Haller (1), Sandifort (2), Meckel (3), Fleischmann (4) multisque aliis enumerati probant. Illud etiam quod Faber (5) descripsit monstrum altera arteria umbilicali destitutum erat. Adnotandum est praeterea, nullum nostrum in foetu vas animadverti potuisse, quod arteriae hypogastricae sinistrae responderet, cuius rimatorum principalium vices, vasa quaedam sustinebant, partim ex arteria umbilicali, partim ex arteria crurali sinistra originem ducentia. Qua parte praeterea arteriarum origo ac decursus a norma decesserint, ex descriptione quam praemissimus facile cognosci poterit.

Ex omni systemate venoso vena umbilicalis, decursum maxime abnormem prae se ferebat, quae quum ad hepatis sulcum longitudinalem sinistrum tendere soleat, hoc casu in excisuram lobuli hepatis sinistri (Fig. I. a) penetrans, in hepatis substantia in ramiulos diffundebatur, nullo ductu Arantii ad venam cavam inferiorem dimisso. Quod et ipsum formationis vitium, ut ejusdem vasis alia multa, jam prius

1) Elem. Physiol. Tom. VII. p. 496.

2) Ed. Sandifort. Observ. anatomico-pathologicae. Lib. III. Cap. I. p. 32. Lugduni Batavorum 1779.

3) l. c. S. 699.

4) l. c. S. 126.

5) l. c.

observatum esse, inter alios Fleischmann (1) docet. In casu quodam memoratu^m in primis diagno, quem a Littré traditum, cl. Meckel (2) affert, vena umbilicalis propè ultimam vertebraem dorsalem per diaphragma in cavum thoracis transgressa in venam cavam superiorem exibat, postquam utramque et venam iliacam et lumbalem et renalem excepserat; nec autem in hepar intraverat nec cum vena portae se conjunxerat.

V. De spina bifida, et statu extremitatum inferiorum deformati.

Quum saccus infantis dorso inhaerens aperatus esset, cava^tas ejus a processu spinoso nonae vertebræ dorsalis, usque ad sulcum perinaei transversum, quem supra commemoravimus, pertinens, fluido aquoso, turbido, subrubido impleta apparebat. Membrana cavitatis interna subrubicunda ac laevis, fibras duræ matris, saccum huncce formantis, perlucere patiebatur; situ ac textura tunicae arachnoideæ respondebat. Inter duram matrem et membranam sacci externam, communī totius corporis cuti formatam, stratum musculosum perspici poterat, quod quidem in sacci circuitu crassius, medium versus paullatim extenuabatur, et denique omnino evanuit; quare etiam sacci paries in medio, tenuissimus, in circuitu crassissimus erat. Praeterea in parte sacci inferiore, in strato muscu-

1) I. c. S. 132.

2) I. c. S. 136.

loso, inter hoc et membranam externam pauculus adiposus situs erat, quo siebat ut saccus hoc loco crassissimus appareret. Superior cavitatis pars ab inferiore, plica quadam transversa cristæ ilei respondente separata erat, idque ita ut duae cavitates hac plica formatae, foramine $\frac{3}{4}$ lato, inter se conjunctæ essent. Praeter magnam hancce plicam transversam, in cavo superiore, ejusque præcipue dextro pariete alias etiam plicæ animadvertebantur, cellulas magnas, fundiformes circumdantes. Quae quidem omnes, pariter atque plica illa transversa, duplicatae membranae saccum intus investienti originem debebant, eique soli, ita ut formatioⁿis earum nulla pars ad duram matrem medullæ spinalis referenda esset.

Subter plica transversali foramen erat diametro unius lineæ; $1\frac{3}{4}$ inferius alterum conspiciebatur foramen, ad parvam quandam excavationem ducens, quae canalis vertebralis membranosi, finem inscriorem coecum praestare videbatur. Foramen illud prius nominatum sursum in cavitatem canalis vertebralis, deorsum vero in cavyum aliquod ducens, cuius paries posterior, praeter membranas medullæ spinalis, corporibus trium ultimarum vertebrarum dorsalium, omnium vertebrarum lumbalium et ex parte etiam corporibus spuriarum vertebrarum ossis sacri terminabatur, cuiusque parietes laterales, uominatim parte inferiore, ossibus pelvis mobilibus, quae a se invicem discesserant, formabantur. Protendebatur hoc cavyum usque ad foramen inferius in saccum coecum exiens, ita tamen, ut cum eo non conjuncum

eset, ideoque nec specillum superiori foramini immissum, nec liquidum quodvis ei injectum, e foramine inferiore prodiret. Inter utrumque foramen, super hoc cavo, tenuis membrana protenta erat; quae fundum planae et ovalis cavitatis formabat, et colore, suo atriore et habitu granoso, ab interna sacci facie laevi ac subrubida, mirum quantum differebat. Perscrutatione microscopio facta cogitum est, habitum huncce granosum, parvis, tenacibus et tenuissimis filis, lanae coactae instar inter se complicatis, progigni, quibus crateres quasi fingebarunt parvarum cellularum plena, eaque cum membrana arcte cohaerens. Nonnulla ex his filis sursum usque ad ipsam medullam spinalem, e qua universa originem ducere videbantur, oculis persequi licebat. Cavitas patefacta, membrana tenui, pellucida, arachnoideae cerebri simili investita, totumque quod continebat spatium filis tenuioribus ac crassioribus inter se decussatis plenum apparebat; ejusdem generis fila etiam radiatim a parte superiore diffundebantur. In fundo cavitatis, membrana albida ac nitens translucebat, videlicet dura mater medullae spinalis, parietem posteriorem canalis vertebralis membranosi efficiens. Adnexa erat ope telae cellulosa rubeunda ac tenerae corporibus vertebrarum dorsalium ac lumbalium. Medulla spinalis ipsa, canalis sui cavum non omnino explebat, et colore erat subrubido. Ut funis continuus, tantum usque ad vertebram dorsi nonam porrigebatur, i. e. usque ad spineae bifidae principium; hic, vero substantia ejus evanuit, ita ut solae nervorum origines

monstrari possent, quae sub forma filorum quae supra descripsimus, in conspectum veniebant. Quamquam vero medulla spinalis tantopere deleta erat, nervi tamen ad extremitates inferiores tendentes volumine erant permagni, sic praecipue nervus ischiadicus fere crassitudinem habebat medullae spinalis, quae erat in canali vertebrarum dorsi. Fissura columnae vertebralis, ut jam supra diximus, a vertebra dorsi nona incipiens, hinc per ultimas tres vertebrae dorsales, omnes vertebrae lumbales et per totius ossis sacri cavitatem procurrebat. Singulis in vertebribus nihil nisi arcus usque ad processus transversos desiderabantur, ita ut foramina intervertebralia omnia integra essent, sed cum partibus quibus constituebantur, utrumque in latus a se invicem multum discederent. Pelys eo insignis erat, quod ossa ejus non synchondrosibus usitatibus jungebantur, sed quotquot erant alterum ab altero discesserant. Sic utrumque os innominatum cum osse sacro laxis ligamentis mobiliter conjunctum erat, horizontalis autem ramus utriusque ossis pubis, alter ab altero ad spatium 2nd et amplius distabat.

Spina bifida formationis vitium congenitum frequentissimum, hoc in casu non multa offert, quae memoratu digna sint. Si primum sedem mali in columna vertebrali respicimus, ad regionem lumbalem deducimur, quam quidem huic formationis vitio prae ceteris obnoxiam esse, plurimi anatomi contendunt. Extensio fissurae et ipsa, medium tantum attigerat gradum, quem viri docti saepissime observaverunt, quem contra spina bifida universalis inter phaenomena

rarissima sit numeranda, cuius hodiernis temporibus unum tantum innquit exemplum, quod Potthoff (1) in dissertatione sua descripsit. Quod deinde ad partes saccum fingentes attinet, hoc casu, ubi tegumenta corporis universalia ad eum formandum conferebant, denuo refellitur vetusta atque obsoleta Camperi opinio, nunquam hoc fieri, sed unicum tumoris involucrum, fibrosa membrana medullae spinalis effici, arbitrantis. Etiam aquae sedes, nostro in foetu eadem est, quam cl. Meckel (2) frequentissime observari, nos docuit; inveniebatur enim fluidum inter medullam spinalis ejusque velamenta, vel ut strictius loquamur, inter ejusdem piam matrem atque arachnoideam, accumulatum. Ut persacpe in spina bifida, praesertim si cum Hydrorrhachia conjuncta est, medulla spinalis abnormiter formata invenitur, ita nostro etiam in casu mutata apparebat, quippe quae substantia sua canalem vertebralem non perfecte expleret, sed solum usque ad fissuram initium pertinens, hinc singula tantum quae percipi possent, fila dimisit, cavitatem quam obtinebant, decussantia. Sumtis, quas Fleischmann (1) proposuit, tribus spinae bifidae formis principibus, e nostrae Hydrorrhachiae descriptione eluet, eam ad secundam ex illis pertinere. Illius enim docci viri sententia, prima forma princi-

palis, quae a statu normali longissime abest, fissionē totius vertebrae, vel etiam ipsius corporis ejus, in duas partes laterales indicatur; altera, defectu arcuum vel majore vel minore; tertia denique eaque ad normam proxime accedens, tantum eo, quod arcuum partes perfecte exultae, nou convenient, nec se invicem in medio tangunt. Cujuusque formae exempli apud cl. Mækel (2) enumerata inveniuntur.

Cum evolutione hac reatdata, animi foetus, nostri deformitatem arcte conjunctam fuisse, vel potius de ea originem duxisse putabimus, insignem mutationem extremitatum dice, et peculiari crurum directione, et vero transmutatione pedis dextri in varum, sinistri in valgum, excellentium. Obstaculum illud, quo dextri cruris flexionem, sinistri extensionem impediat fuisse vidimus, in musculis hos motus efficientibus, in brevius contractis, quaerendum esse, inde jam probatur, quod extensorum dextri cruris atque flexorum sinistri tendinibus dissecatis, nihil amplius obstabat, quominus utrumque crus libere moveretur. In sinistro tamen femore praeterea nervus ischiadicus dissecandus erat, qui tanquam funis valide intentus, ab incisura ischiadica majore usque ad fossam popliteam pertinebat, ubi cum musculo eum circumdantibus, nominatim cum utroque capite musculi gastrocnemii ope telae cellulosaee firmiter cohaerens, extensionem cruris omnino prohibebat. Accuratiorem vari ac valgi disquisitionem anatomicam hoc in casu instituere non potui,

1) H. G. Potthoff. Descriptio easus rarissimi spinae bifidae totalis. Berolini 1827.

2) I. c. p. 362.

1) G. Fleischmann. De vitiis congenitis circa thoracem et abdomen. P. II. Erlangae 1810.

2) I. c. p. 358.

quippe cuius facultas jam alii cuidam promissa erat; quantum vero externa pedis inspectione coguoscere potui, directio pedis abnormis, non tarsi ossibus vitiōse formatis, effecta esse videbatur, (quod et ipsum rarioribus in casibus fit) sed potius sublato, qui inter extensores et flexores locum habere solet, antagonismo, praevalentibus hisce p̄ae illis. Poterant enim talipedes magno labore in axem cruris reduci, dum eorum extensioni musculi surae multo majus impedimentum opponebant, quod et ipsum, dissecito tendine Achillis, cessaturum fuisse verisimile est. Causam hujus concensus flexorum et extensorum turbati, jure ponere videtur in influxu nervorum motoriorum in extremitates fracto, quām talipedes plerumque cum spina bifida, cum acephalia vel hemicephalia conjuncti sint. Quantam vero vim in musculos exerceant organa systematis sensibilis centralia, inde jam intelligitur, quod ubi illa desunt, nec vero nervi sphaerae animalis occurruunt, musculi etiam nulli inveniuntur (1). Nimiam vero flexorum p̄ae extensoribus potentiam, ita optimē explicabimus, ut voluntatis in motus membra influxu, qui solus extensores contra flexorum vim natura majorem defendit, majus minusve sublato, extensores perfecte contracti manere nequeant. Deficienti porro nervorum influxui frequentem, et quae nostro etiam in casu aderat, talipedum atrophiam tribuere liceat, quam ob rem eorum opinio mihi nullo pacto videtur es-

se probanda, qui illud formationis vitium mere mechanica ratione explicare conantur, scilicet si tu fetus in utero. Quam quidem sententiam impugnare, medullae autem spinalis influxum sustinere videtur p̄ae ceteris etiam ille quem nos observavimus casus, quum noxii influxus externi, qui nonnunquam sed rarissime tantum talipedes progignere valent, sane non facile utrumque pedem eodem tempore et aequabiliter assicere possint.

1) Burdach i. c. § 428.

Explicatio tabularum.

Tabula prima.

Monstrum praebet naturali magnitudine, et
situ ei proprio.

- A. Spina bifida.
- B. Hernia umbilicalis.
- C. Excrescentia torosa in sacci herniosi parte
inferiore.
- D. Funiculus umbilicalis.
- E. Pes dexter in varum mutatus.
- F. Pes sinister in valgum transmutatus.
- a. Sinus in perinaeo dexter.
- b. Sinus in perinaeo sinister.
- c. Sinus medius supra sulcum transversum
situs.
- dd. Rudimenta genitalium externorum.
- eeee. Margo prominens excrescentiae torosae.
- f. Eminentia lateralis sinistra in excrescentia
torosa sita.
- g. Eminentia lateralis dextra in excrescentia
torosa sita.
- h. Eminentia inferior tori magni.
- i. Eminentia superior tori magni.
- k. Sinus triangularis quo intestinum tenuerum ex-
trorsum exit.
- l. Margo labiformis tuberis lateralis sinistri.
- m. Ostium dextri ureteris externum.

Tabula secunda.

Fig. I.

Partium situm effingit, qui aperto sacco
hernioso conspiciebatur.


- A. Hepar.
- B. Ventriculus.

- C. Lien.
- D. Tonus lateralis dexter.
- E. Tonus medius.
- F. Tonus lateralis sinister.
- G. Omentum minus.
- H. Excrescentia magna torosa in sacco hernioso.
- a. Locus ubi vena umbilicalis in hepar exit.
- b. Vena umbilicalis.
- c. Arteria umbilicalis.
- ddd. Involuta sacci herniosi reflexa.
- e. Pylorus.
- f. Introitus in cavitatem tori medii.
- g. Tuber laterale dextrum, canali quodam
cum sinu medio (Tab. I. c.) in perinaeo
conunctum.
- h. Aditus ad cavitatem tori sinistri.
- i. Aditus ad cavitatem tori dextri.
- k. Ostium ilei externum.
- l. Duodenum.
- m. Intestinum tenuerum.
- n. Foramen Winslowii.
- ooo. Trabeculae carneae torum dextrum cum
peritoneo jungentes.

Fig. II.

- Ramificationem aortae descendantis depingit.
- A. Aorta descendens.
 - B. Arteria iliaca communis sinistra.
 - C. Truncus principalis medius ex aorta origi-
nem ducens.
 - D. A. iliaca communis dextra in a. cruralem
transiens.
 - E. A. cruralis sinistra.
 - F. A. umbilicalis.
 - a. A. glutaea.

- b. A. circumflexa ilei.
- c. A. obturatoria.
- d. A. spermatica.
- e. A. ischiadica.
- f. Ramus quidam ad faciem posteriorem renis tendens.
- g. A. suprarenalis.
- h. Anastomosis inter A. suprarenalem et renale.
- i. Ramus ad hepar proficiscens.
- k. Ramus ad inferiorem diaphragmatis faciem.
- l. A. lieualis.
- m. Origo communis amborum ramorum sequentium.
- n. A. suprarenalis.
- o. A. renalis.
- p. A. hepatica.
- q. Ramus in ventriculo et intestino tenui in ramulos diffusus.
- r. A. renalis.
- s. A. spermatica.
- t. A. sacra media.
- u. A. glutaea.
- v. A. sacra lateralis.
- w. Alter truncus principalis ex A. iliaca communis dextra originem ducens.
- x. A. obturatoria.
- y y. Vasa arteriis haemorrhoidalibus respondentia.
- z. A. pudenda communis.
- 1. Vasorum ramus qui in facie pelvis inferiore dextra, in ramulos diffunditur.
- 2. A. epigastrica.



Tafel II.

Fig. I.





Fig. II.

A